

復初齋集外詩

三



復初齋集外詩卷第九

大興 翁方綱 正三

壬辰正月十七首

元日桐城道中小雨二首

霧蒸陶埠水雲起皖公山一夜融相就諸峰往復還因
暄散陂澤生氣動江關澹合濛濛外空青遠近閒

依山田復阪近驛石兼沙土軟仍樵逕煙生有釣家微
溫覘地脈倍捷轉春華

是日立春

盡挈三陽氣溟濛到養花

舒城道中重和宮傅錢先生山行韻

陽岡雖多曲複礪乃屢覲坡陀驛南北纚屬谿左右得
勢在起伏初不關皺皺橫側向背中又自爲迴復夫亦

地脈然匪取奇詭，鬪松櫟烏柏，楓鶴鶴鶯鶯，變眩百
籟起，不知石厓瘦。皖江土膚澤，此乃其經腠，所以樂順
翁濃墨。驛牆後翁意，必有會不爲津亭。喉半山山谷，蹟
蕪絕不可。又龍眠讀書莊已復，同廢囿南趨，逕桐灣北
去，抱淮壽豈徒供弄泉手，拏巖條秀。

合肥道中

高館荒荒似野亭，羸車半日繞城堦。山從皖口諸峰合，
水自巢湖百折經。官路畊鋤喧已動，沙邨燈火倚微暝。
載塗雨雪寒猶淺，喜及淮南草木青。

鮑明遠讀書臺二首

蘿月娟娟記北墀，廢梁縣側古垣基。重來衰草寒煙裏，

眞見飢鷹獨出時

昨從楚尾訪遺居舊扁亭名尙有諸六代文章半金粉
試尋俊逸出何書

黃梅鮑明遠故宅
後人爲建俊逸亭

早春

江郊盎盎融融氣都在枯椿老柳中隔渚田丁驅犢起
繞籬菜甲有渠通無心燕子來探綠得意桃花故緩紅
且試人家泛鷗處鱗鱗匹縠卷東風

閔邨

閔祠宿州南閔里乃在州城北北去汝水五百里舉此
蓋可推方域敵千縠甲供億時昔人已疑里非百周尺
周索不可稽尙記昔賢辭一職邨原春鳩未霰霰邨畎

人家早困億不聞人聲聞雞犬想見耰耨無德色驅車
橋下新水生時有牯牛垡春麥

渡河

處處波光帶銀漢條條雲氣接崑崙我來大澤乘春始
獨傍黃沙看雨痕遠樹平原趨兗郡亂山小驛合彭門
依前鈴馱敲殘夢那源靈槎遽問源

柳泉旅舍予己卯十月題壁云此行佳處題難
盡留與珠江二使星謂同年秦序堂編修景介
之學士時同典廣東鄉試也今十四年而予自
廣東旋役宿此復題三詩

三首之二三
集刻一首

袖中那得海山青轉憶盆池羃野亭雨過花低入斜牖

風吹茅破見疏星

莫論江廣通津地土銼煙煤一驛亭正到尋春紅紫陌
同年落落已晨星

官道行

官道官柳柔未黃憶繫官馬此驛旁官馬還官又官驛
官道迢迢衍以直麥畦夾場場閒溝昔來滌場今種麥
嶺海五周三萬里八載時時看禾役春風先後鈴馱鳴
殘夢續作雙櫓聲兩岸岸樹相黃青偃仰敲側計水程
石路沙路紛縱橫不知石戴古車轍但見迤迤沙際一
綫行塵行行塵迤迤我豈知近遠前塵纔過後沙卷正
月晝長風已軟石複沙重路又轉濛濛春雲挾雨定春

煙春山映出官道閒我更恁然懷晚寒

鄒縣道中

晚望嶧山不可摹澹煙野水相模黏過之明日五更尾
雪後正月下澣初宛南林木已如畫雖未得綠腴不枯
日出縣北二十里周生

孔彰

具飯追我途孤嶂有碑杜老

說野火之焚孰傳諸生爲剖析非與是我瞻林壑曠以
紆昔人一言輕百里今無然友與屋廬高德裔記字又
漫王文考賦跡久蕪君看遠厓近畎水一一可達泗與
洙旬日魚負泉亦活信宿牛力士更濡如繩大路洗汶
去我執山麓良區區

望蠶尾山

蘇家小洞庭誰書職方藪於陵灌園處尙書且尙友山
人非知山寓物假諸有大音本無聲寥落一戶牖尙書
晚年語何人當時受何人立度均妄鑿妍與醜日臨蘭
亭本厥昉何人手尙書初不爾莫年深思後渺然仁遠
者空絕此遺阜萬古碧礪風月吐青螺口後人其謂何
此意寥闌久心飛蠶尾樹吾聞長水叟驅車兀何得曉
星枯楊柳

東阿山行

山虛風自生夜寒夢屢覺山徑帶城濠林蹊乃山角百
里墳衍外一轉千堦塙黃華雪簾來礪礪雲斑駿春氣
靜方湧盎盎滌暄濁發生意不薄啟蟄機已確仁聲流

畏佳出茵非虛樂冷冷接大壑蒸動東伯嶽明看萬峰
族膚寸徧南朔前驅山口光沈寥聽雞喔

趙北口大風

長橋非臥虹老柳乃蟠龍屈曲凍雲裏輓雷走層空水
光不受雲萬頃玻瓈風洶洶盪雲去迤迤轉牆紅九十
九淀水蒸春氣融融交合沙樹屋眾影與雲同仍看萬
柳株橫臥一雲中

此後壬辰二月至
乙未九月手稟佚

乙未九月至十二月四十八首

寶蘇室小草

秋社日陪諸公遊城南二首

秋社擬秋禊補作不可緩九月當三月晝晷亦已短今

年夏多雨殘暑不須澣天高氣空澄人意豁疏散諸公
早相過次第呼侶伴澹乎秋樹根積淤路初坦瓜瓠豆
葉風吹綠蒲塘滿水壯已復潦山影中橫斷前春境髣
髴是午尙妍暖坐久欲忘歸起步沿町疇人影空林中
鵲巢大如繖不遭田父飲時得寺門款

諸公入直暇我亦讐校餘相就郭門外輾輾塍畔車翳
林坐豐草媿彼耕與漁豈不眴歲月粼粼鑒清渠默省
前度來所得良已虛遊目翫飛潛相貯以襟裾得恣箴
規言講析在詩書但當攻痼疾更莫貪夸譽孜孜如不
足款款無相疏何暇思其外較短論長歟魏風取禾喻
舞雩辨惑初適我無非新大化日乘除

後外集九
蘅石齋看桂花

冬閨秋較遲花開昨猶未主人直廬歸袖得山莊氣今
午拓四窗閒階無雜卉依然冷官況一盆自矜貴沁以
百觚釀香欲十指沸自誦塞上詩奇崛老可畏霏霏几
格閒郁郁書畫味影誰摹沈周硯且滌米芾齋中有石田挂幅
丹叔侍讀所藏萬年少畫女仙康熙癸卯宣城

唐祖命爲王文簡三十初度贈者屬賦詩

此畫豈假漁洋傳數筆空際神便娟嫣然馭氣出古逸
白描不必師龍眠漁洋得之幻成夢夢遊黃山正此年
六十三翁同命駕軒轅臺頂凌輕煙容成浮丘接衣袂
一瀉萬頃雲海圓漁洋集是年有夢與唐祖命遊黃山詩至今見詩不見

畫孰知妙出秋毫顛
國初詩家有評語天女動步皆
奇妍又擬城樓結天際臨輒引去風迴旋所以耕隴輟
此贈象外之象弦外弦旁無署名但印記印曰萬壽文
殷鮮我聞道人妙書法法得顏體忘躡筌從來用法必
變法學柳下季乃仲連惜哉此幀未題字令我何處施
言詮酒闌月墮露滿席有夢欲問邗江船

蘊山來詩有聯步花甄少一人之句
聯字原黯是隨字黯
然有感續其語爲四詩寄之

聯步花甄少一人書來舊夢遡壬辛
看山小閣風兼雨
正是重陽落葉辰

共步璫珩託後塵蓬山情話更誰親
舊看膝上王文度

可抵平生竺道人

時予與孔撫約編脩同脩韻書撫約子同年戶曹嗣君而蘊山辛卯禮闈

所得士也

漫說蓬山聯步人張雷劍氣上星辰玉堂內殿仍分

直剛對黃華一笑新

謂姚雪門編脩供直內廷也

日影花甌念念塵雲窗霧閣未離身黃雙井集還同校

呂紫微圖第幾人

來書以校刊黃詩自任

九日曉登陶然亭後閣

夜露重於雨秋淨不受霾澹乎空澄氣拓窗如水涯林
霏漸蒸潤鏡鑑相磨揩高下百籟中響出霜鶻排意到
暖翠上一氣濃煙偕翳匄草木香全聚於菊芟焜黃聞
老綠收合入我懷不可僧壁吐留向城北齋

是午竹井司寇有登

高之約

諸公集獨浩園登高

是午轉嫩晴暄若海棠晝菊華矜衣裳嗇養遲采秀取
涼入石磴三椽石之腴漸上乃有風鱗鱗吹雲皺秋山
絢雲光得氣不肯瘦古花出疊聳金石論交舊所難值
重九境與人意邁新詩重留客斜月待虛牖晚色收一
樓霞綺爛堆繡

九月十九日同魚山簣坡兒子樹端登城南斗

母閣晚過崇效寺用竹垞韻二首

飛動煙潭字猶疑墨未乾

寺有王覺斯書靜觀二大字

高窗先意到

遠勢試尋看珠露空階滴金飈細菊攢今朝補重九一

雁碧雲盤

往與嵒坡老尋碑拭蘚乾幾年殘廢後重展畫圖看鄰
閣披榛到荒畦密葉攢道人知考證遺集說田盤盤山僧智
朴小照今在寺中寺僧因語及智朴所著書數種

竹井司寇索和九日詩次韻

詩思翩如蜨意輕酒光濃似岫煙晴迎霜花有遲迴態
著露林無颭瑟聲座上人豪傾北海窗中句健壓宣城
判年如此苔岑色直得闌干待月生

和詩未往而答詩已來再次韻

杜陵醉說往來輕表聖評花恰午晴明日半開如夙約
好詩全不仗秋聲寒交雁候聯翩信青合山光內外城

禪榻小窗時澹對松濤都似和先生

饒桐陰觀海圖

課土窮海濱三年跡如埽寤歌磐石上別思誰與道官
舍椰子林那覺再熟稻日日感陰雨眼盼秋瓜老亦復
具遙情時及朝日杲出郭渺大海一崖倚晴昊短僮負
笈外不知坤輿抱一瀉下萬里滾滾風浩浩平生最壯
觀賦詩侈幽討急來官舍中謀作畫圖稟冷官苜蓿盤
辭歸恨不早秩滿例遷邑輒塵厯城堡而子獨不然射
策富攜藻徑上蓬萊觀掇食瓊田草依舊兩頰紅肯使
色枯槁學道真實意忠信以爲寶從茲砥文詞更要夙
志保凜乎如臨淵源委義深考祕館示我圖悅復夢此

嶽大洋百峒閒舊遊談亦好

次韻裕軒學士野圃晚秋見寄并簡慕堂笥河

魚門

西郊題葉詩和章如笥束我句無可著短袖舞獨速似
要倩霜風收此眩眼綠驚人無傑思僻處尋題目先生
愛石竹頗亦參觔觔竹殘亦可忍但護菜畦曲圓頭花
蔓菁大葉紫蘆菔菰芥課僮煮茶瓜因客蓄泉甘非在
山井渫豈占谷而客皆熟遊以詩作尺牘儻得諸公偕
是亦我所欲并聽殘葉聲來打谿邊屋

裕軒送菜及菊再次前韻

新機妙誰擬舊書真可束叩門談養生握苗戒欲速後